



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 13. Crucis figura.

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

§. XIII.

Figura.

UT possitis comprehendere cum omnibus Sanctis, quæ sit latitudo, longitudo, &c. Ephes. 3. 18. Quando ista comprehendis? audi Apostolum dicentem tibi: *mibi autem absit &c.* ibi forte inveniemus & latitudinem, & longitudinem: his enim Apostoli verbis crux quodammodo nobis ante oculos constituta est, &c. S. August. de verb. Apoll. serm. 7.

His virtutum gemmis quatuor cornua Crucis ornantur, & est supereminens charitas, à dextris obedientia, patientia à sinistris; radix virtutum humilitas in profundo. S. Bern. l. 1. die S. Paschæ.

Protenso Crucis ad ima, protensionem animæ facit per aspectum mentis ad loca tartarea. Protenso superior contemplationem provehit in superna. Ibi iustitia, hic misericordia, plene fulget. Binæ protensiones in latera, quasi alæ gallinæ, omnes pullos filiorum hominum, ne à volitante diabolo rapiamur, provocant ad tutelam. Et sub umbra istarum alarum oportet nos fugere, donec à nobis transeat omnis iniquitas. Sim. Cassi. l. 13.

§. XIV.

Tituli Crucis explicatio.

J. N. R. J. In quo titulo tota spes nostræ salutis insinuat, secundum quod est triplex spes nostra. Prima veniæ, secunda gratiæ, tertia gloriæ. Prima spes veniæ indicatur, cum dicitur *Rex Judæorum*, id est, confitentium. Secunda spes gratiæ ponitur, cum dicitur *Nazarenus*, qui floridus interpretatur; flos autem spem fructuum evidenter designat. Tertia verò spes gloriæ demonstratur in hoc Sanctissimo nomine *JESUS*, qui Salvator interpretatur. Sanctus Bernardinus l. 49.

Titulus Crucis in his tribus linguis ideo scriptus est; quia illæ erant principales linguæ: ut aperte insinuaretur, quod ipse erat Rex Theologiæ, quantum ad Hebræos, in quibus erat Dei scientia; Philosophiæ, quantum ad Græcos, in quibus erat Philosophica eloquentia. Et Præctiæ, quantum ad Romanos, & Latinos; in quibus erat bellandi, & regendi, potentia. Sanctus Bernardinus t. 1. p. 2. a. 1.

§. XV.

Crucis Bajulatio.

Tulit quoque ligna holocausti. Gen. 22. 6. Quod ipse ligna ad holocaustum portat Isaac, figura est, quod & Christus ipse sibi bajulat Crucem. Orig. hic hom. 8. Sicut Isaac ipse sibi ligna portaverat, quibus erat imponendus; ita & Christus gestavit in humeris lignum Crucis suæ, in quo erat cruciandus. S. Eligius hom. 5.

Plurima autem turba straverunt vestimenta sua. Matth. 21. 8. 9. Per quam urbis januam paulo ante a seculo indens, populorum vallatus agminibus, palmarum, olivarumque ramos in manibus gestantium, atque clamantium, *Osanna benedictus &c.* perrexit ad templum; per eandem hodie blasphemantibus turbis, tam ignominiosè rejectus ad Crucis supplicium trahebatur. Sanct. Laur. Just. de triumph. cap. 16.

Et imposuerunt ei Crucem portare post JESUM. Luc. 23. 26. Quod crudelissimi illi non fecerunt ex compassione, aut pro relevamine JESU; sed quia ex penis jam valde lassatus fuit, timebant, ne forte sub onere Crucis deficiens, moretur in via; sicque futurus penas supplicium evaderet: vel ut citius venirent ad locum Calvariæ, in quo desiderium suum de CHRISTI crucifixione explerent. Dion. Carthuf. hic.

Bajulans sibi Crucem. Joan. 19. 17. Cogita malignitatem Judæorum, quorum machinatione milites Præsidis posterunt lignum Crucis super collum Christi: quod non fecerunt latronibus secum eductis. Turpissimam enim; & acerbissimam, mortem ei intulerant; & quidquid confusionis, contemptus, & crudelitatis, excogitare poterunt, fecerunt in eum. Dion. Carthuf. hic.

Portavit adhuc multò charius me in humeris suis, quando *bajulans sibi Crucem exivit*, &c. Ubi & crucifixus est. Ego enim ibi portabar magis ab ipso, quam Crux ipsa. Thom. Kemp. Soliloq. animæ cap. 15.

§. XVI.

Crucis varia ostenta, & expressiones.

EX epistola Sancti Cyrilli, de signo Crucis in Cælo; ex lumine Jerolymis apparente: Imperatori DEO dilectissimo, & piensissimo Constantino Augusto. Primas hæc ex Jerolymis ad te, DEO dilecte Imperator, mitto literarum primitias; quas & te deceat accipere, & me dare. -- Revera imperium tuum amatur à DEO: quandoquidem hoc tempore tuò tanta prodigia monstrare non dubitat. Sanctus enim hæc diebus Sanctæ Pentecostes, circiter horam tertiam, omnium maxima Crux, ex lumine constituta in cælo super sanctissimum montem Golgotham, & usque ad sanctum montem olivarum extensa, apparuit. Neque, ut aliquis fortasse putaverit, celeriter secundum phantasiam percurrens; sed compluribus horis, supra terram aperte conspicua, coruscis splendoribus radios superans solares; ut illico universa civitatis multitudo ad Sanctam Ecclesiam concurreret, metu divini illius prodigij, non sine lætitiâ concitata. --